

Na osnovu čl. 19. stav 4. i 32a. Zakona o državnoj službi u institucijama Bosne i Hercegovine ("Službeni glasnik BiH", br. 19/02, 35/03, 4/04, 17/04, 26/04, 37/04, 48/05, 2/06 i 32/07), Agencija za državnu službu Bosne i Hercegovine, u ime Ministarstva sigurnosti Bosne i Hercegovine, raspisuje

JAVNI OGLAS
za popunjavanje radnih mjesta državnih službenika
u Ministarstvu sigurnosti Bosne i Hercegovine

- 1/01 Stručni saradnik za telekomunikacione sisteme u Sektoru za informatiku i telekomunikacione sisteme**
- 1/02 Viši stručni saradnik za tehničke standarde u Sektoru za zaštitu tajnih podataka**
- 1/03 Stručni saradnik iz oblasti borbe protiv neovlaštenog prometa oružjem i vojnom opremom u Sektoru za borbu protiv terorizma, organizovanog kriminala i zloupotrebe narkotika**
- 1/04 Stručni savjetnik iz oblasti borbe protiv kriminaliteta izvršenog putem informaciono-komunikacionih tehnologija u Sektoru za borbu protiv terorizma, organizovanog kriminaliteta i zloupotrebe narkotika**

Sektoru za informatiku i telekomunikacione sisteme

1/01 Stručni saradnik za telekomunikacione sisteme

Opis radnih zadataka: Instaliranje i održavanje telekomunikacijske, radio relejne i druge opreme za potrebe mreže policijskih organa.

Posebni uslovi: završen Elektrotehnički fakultet (smjer telekomunikacije) ili Saobraćajni fakultet (smjer telekomunikacije); položen stručni (upravni) ispit; najmanje jedna (1) godina radnog iskustva; aktivno znanje engleskog jezika.

Sektor za zaštitu tajnih podataka

1/02 Viši stručni saradnik za tehničke standarde

Opis radnih zadataka: Obavlja poslove sigurnosne procjene prijetnji i rizika u primjeni tehničkih standarda za sigurnost dokumenata iz nadležnosti Sektora; učestvuje u izradi sigurnosnih planova i procjenu prijetnji i rizika za potrebe Sektora; vrši nadzor i sigurnosnu procjenu prijetnji i rizika i daje stručne smjernice nadležnim organima koji imaju pristup tajnim podacima i povjerljivim informacijama i njima raspoložu. Predlaže instrukcije i smjernice za otklanjanje ustanovljenih propusta u primjeni tehničkih standarda, obavlja i druge poslove po nalogu šefa Odsjeka, kome podnosi izvještaj o radu.

Posebni uslovi: završen Pravni fakultet, Fakultet političkih nauka-smjer sigurnost, Fakultet kriminalističkih nauka ili Visoka škola – smjer kriminalistika; položen stručni (upravni) ispit; dvije (2) godine radnog iskustva; poznavanje engleskog jezika; poznavanje rada na računaru.

Sektor za borbu protiv terorizma, organizovanog kriminala i zloupotrebe narkotika

1/03 Stručni saradnik iz oblasti borbe protiv neovlaštenog prometa oružjem i vojnom opremom

Opis radnih zadataka: Prati, proučava, analizira i procjenjuje ukupno stanje u oblasti neovlaštenog prometa oružjem i vojnom opremom, naročito vezano za zakonito, efikasno i blagovremeno provođenje zakona i propisa, o čemu sačinjava izvještaje, analizira zakonska rješenja, njihovu usklađenost sa međunarodnim konvencijama i sporazumima, te predlaže pokretanje inicijative za izmjene i dopune zakonskih rješenja. Saraduje i koordinira aktivnosti odgovarajućih organa entiteta i Brčko Distrikta, te saraduje sa odgovarajućim tijelima Vijeća Evrope, Evropske unije, Ujedinjenih naroda, SECI centrom i odgovarajućim organima država

sa kojima BiH ima potpisane sporazume vezane za borbu protiv trgovine oružjem i oružjem za masovno uništenje. Učestvuje u kreiranju i izradi mjesečnih, polugodišnjih i godišnjih planova aktivnosti vezanih za borbu protiv trgovine oružjem i oružjem za masovno uništenje, te podnosi mjesečne, polugodišnje i godišnje izvještaje o radu i implementiranju planiranih aktivnosti. Obavlja i druge poslove koje mu dodijeli šef Odsjeka.

Posebni uslovi: završen Fakultet kriminalističkih nauka ili Pravni fakultet; položen stručni (upravni) ispit; najmanje jedna (1) godina radnog iskustva na istim ili sličnim poslovima; znanje jednog svjetskog jezika.

Sektor za borbu protiv terorizma, organizovanog kriminaliteta i zloupotrebe narkotika

1/04 Stručni savjetnik iz oblasti borbe protiv kriminaliteta izvršenog putem informaciono-komunikacionih tehnologija

Opis radnih zadataka: Prati, proučava, analizira i procjenjuje ukupno stanje u oblasti borbe protiv kriminaliteta izvršenog putem informaciono-komunikacionih tehnologija-kompjuterskog kriminaliteta, naročito vezano za zakonito, efikasno i blagovremeno provođenje zakona i propisa, o čemu sačinjava izvještaje, analizira zakonska rješenja, njihovu usklađenost sa međunarodnim konvencijama i sporazumima, te predlaže pokretanje inicijative za izmjene i dopune zakonskih rješenja. Sarađuje i koordinira aktivnosti odgovarajućih organa entiteta i Brčko Distrikta BiH, te sarađuje sa odgovarajućim tijelima Vijeća Evrope, Evropske unije, Ujedinjenih naroda, SECI centrom i odgovarajućim organima država sa kojima BiH ima potpisane sporazume za borbu protiv kriminaliteta izvršenog putem informaciono-komunikacionih tehnologija. Učestvuje u kreiranju i izradi mjesečnih, polugodišnjih i godišnjih planova aktivnosti vezanih za borbu protiv kriminaliteta izvršenog putem informaciono-komunikacionih tehnologija, te podnosi mjesečne, polugodišnje i godišnje izvještaje o radu i implementiranju planiranih aktivnosti. Obavlja i druge poslove koje mu dodijeli šef Odsjeka.

Posebni uslovi: završen Elektrotehnički fakultet ili drugi fakultet tehničke struke ili Fakultet kriminalističkih nauka; položen stručni (upravni) ispit; najmanje tri (3) godine radnog iskustva na istim ili sličnim poslovima; znanje engleskog jezika.

Broj izvršilaca: za svako od oglašanih radnih mjesta traži se po jedan (1) izvršilac.

Napomena za sve kandidate:

- Pored posebnih uslova kandidati moraju ispunjavati i opšte uslove propisane članom 22. Zakona o državnoj službi u institucijama BiH.
- Komisija bira kandidate na osnovu podataka iz prijave, kao i znanja i sposobnosti pokazanih na stručnom ispitu gdje će se, između ostalog, provjeriti i da li kandidati ispunjavaju neke od posebnih uslova javnog oglasa koji se ne dokazuju dostavljenom dokumentacijom.
- Postupak izbora kandidata regulisan je Pravilnikom o postupcima oglašavanja, izbora kandidata, premještanja i postavljenja državnih službenika u slučaju prenosa ili preuzimanja nadležnosti od strane institucija BiH („Službeni glasnik BiH“, broj 27/08).
- Pod radnim iskustvom podrazumijeva se radno iskustvo nakon stečene visoke školske spreme.
- Najuspješniji kandidat za poziciju 1/02 neće se po okončanju konkursne procedure odmah postaviti nego će se pokrenuti postupak u skladu sa čl. 31. stav 1. i 31. Zakona o zaštiti ličnih podataka („Službeni glasnik BiH“, broj 54/05) i članom 28. stav 6. Odluke o načinu polaganja javnog i stručnog ispita („Službeni glasnik BiH“, broj 96/07).
- Za sprovođenje konkursne procedure po ovom javnom oglasu formiraće se jedna Komisija za izbor.

Potrebni dokumenti:

Ovjerene kopije: fakultetske diplome (nostrifikovane diplome, ukoliko fakultet nije završen u BiH ili je diploma stečena u nekoj drugoj državi nakon 06.04.1992. godine); važeće lične karte; uvjerenja o položenom stručnom (upravnom) odnosno javnom ispitu (u cilju oslobađanja od javnog ispita); potvrde, uvjerenja ili radne knjižice kao dokaza o traženom radnom iskustvu – za

pozicije 1/01 i 1/02, odnosno potvrde ili uvjerenja kao dokaza o traženom radnom iskustvu u struci – za pozicije 1/03 i 1/04; dokaza o traženom aktivnom znanju, znanju odnosno poznavanju engleskog ili jednog svjetskog jezika – zavisno kako je specificirano za svaku poziciju posebno u posebnim uslovima; popunjen obrazac Agencije za državnu službu koji se može dobiti u prostorijama Ministarstva sigurnosti BiH ili na internet stranici Agencije za državnu službu www.ads.gov.ba.

- Kandidati koji budu uspješni na pismenom dijelu stručnog ispita obavezni su na usmeni dio stručnog ispita (intervju) donijeti uvjerenje o nevođenju krivičnog postupka (ne starije od tri mjeseca), koje se ne dostavlja zajedno sa drugim dokumentima, u protivnom neće moći pristupiti istom. Iznimno, u slučaju ako kandidat iz objektivnih razloga ne dostavi traženo uvjerenje na intervju, isto treba dostaviti najkasnije do momenta preuzimanja dužnosti, u suprotnom skida se sa liste uspješnih kandidata.

- Kandidati koji nemaju položen stručni (upravni) ispit, prije pristupanja stručnom ispitu će polagati javni ispit u skladu sa Odlukom o načinu polaganja javnog i stručnog ispita ("Službeni glasnik BiH", broj 96/07), izuzimajući čl. 6. i 11. stav 2., koji se ne primjenjuju, zbog toga što se kandidati obavještavaju o mjestu i vremenu polaganja javnog ispita, kao i o rezultatima istog, isključivo putem službene internet stranice Agencije za državnu službu, gdje se i objavljuje javni oglas, od kada i teče rok za podnošenje prijave.

Tražene dokumente treba dostaviti **najkasnije do 26.06.2008. godine**, putem pošte preporučeno, na adresu:

Ministarstvo sigurnosti Bosne i Hercegovine
“Javni oglas za popunjavanje radnih mjesta državnih službenika u Ministarstvu sigurnosti Bosne i Hercegovine”
71000 Sarajevo, Trg BiH 1

Nepotpune, neblagovremene i neuredne prijave, kao i kopije tražene dokumentacije koje nisu ovjerene, neće se uzimati u razmatranje.

juna 2008. godine
Sarajevo

DIREKTOR
Jakob Finci